



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. VI. An, & qualiter omnes fideles ligentur legibus Ecclesiasticis

---

[urn:nbn:de:hbz:466:1-73031](#)

tum , non autem consummatum , non poterit punire , nisi delicti inchoationem , non autem consummationem , seclusa legitima consuetudine , jure gentium introducta , & juris dispositione , quae delinquentem in tali casu utrique Judici subjicit integrè , C. stante illâ , N. conseq.

608. Dices . 2. qui intra territorium sui domicilij dat alicui mandatum , ut occidat Petrum , non potest in loco dati mandati puniti pœnâ statuto impositâ *occisioni* , si mandatarius mandatum executus est in alio territorio ; ergo , qui intra territorium sui domicilij lethaliter vulnerat Petrum , in loco facti vulneris non potest puniri pœnâ impositâ homicidio . Resp. cum Farinacio l. 1. *Praxis* , tit. 1. q. 7. n. 45. probabiliter posse negari antecedens ; sed quia probabilius est , quod consuetudo *mandantem* , ac *mandatarium* in casu delicti , per illum mandato , per istum factum , in distinctis , nec eidem Judici subjectis territorii commissi , non æquè subjecerit utriusque territorij Judici , ac *inchoantem* , & *consummantem* delictum , quantumvis etiam in distinctis territoriis facta sit inchoatio , & consummatio delicti : ideo & . 2. dato anteced : N. conseq. propter consuetudinem , & juris dispositionem stantem pro consequenti ; non antecedenti.

## §. VI.

An , & qualiter omnes fideles ligentur legibus Ecclesiasticis

609. Non est dubium , Canonum statuta ab omnibus observanda esse , ut dicitur c. 1. de Constitutionibus . Simile quid habetur in jure civili , L. 3. C. de Legib. ibi : *ab omnibus aquanimiter observentur* . Et ratio est , quia in his , quæ pertinent ad æternam animæ salutem , summus Pontifex , respectu Fidelium , retinet potestatem Christi Vicariam in terris , ligandi , & solvendi , quam immediatè accepit à Christo . Unde si Principes Laici constitutionibus suis justè possint subditos suos obligare in conscientia , & sub peccato , ut constat ex dict. a. n. 233. & 274. : à fortiori hoc poterit summus Pontifex , & omnis Superior Ecclesiasticus , respectu sibi subjectorum . V. dicta Tom. I.

n. citat. Hujus autem ratio est ; quia vis , & potestas Vicarij Christi in terris multò certius est à Deo , quàm in Principe seculari ; ac ad finem habet multò nobiliorem , qui est animæ felicitas indefectibilis ; quàm habeat potestas Laica , qui est sola Republicæ felicitas temporalis . Hinc non potest esse indicium bonæ conscientiæ in illis Judicibus , & Tribunalium Præsidibus , qui , ut intentiones suas in temporalibus promoveant , etsi sacros Canones contrariari neverint , eos vel rejiciunt , vel contemnunt , nixi communis suo refugio , *quod in praxi servetur contrarium* , immemores , praxim laborantem vitiō in objecto , corruptelam potius esse , quàm usum legitimū , qui jus tribuat , ut constabit ex dicendis . Et ideo merito dixit Damasus Papa , relatus supr. num. 6. *In Spiritum Sanctum peccare violatores sacrorum canonum* ; quia ejus instinctu , & dono dictati sunt ; quibus positis :

Not. 1. ex n. 61. Decreta Pontificum , etiam non inserta juri communi , æquè obligare , ac inserta ; Sic Bartholom. Chastainus de Privileg. *Regul.* tr. 1. c. 1. propos. 2. ex c. *Si Romanorum* , dist. 19. & c. 2. ead. Nam ad naturam legis per accidens est , hoc vel illo modo scribi , expediti &c. intellige , pro foro poli . Nam in externo jus commune præponderat Conciliis ; hæc Bullis ; istæ Brævibus ; his signaturæ ; & hæc vivæ vocis Oraculis ; ita Chastainus l. c. Not. 2. in cit. c. per statuta canonum , intelligi canones generales , non autem mere locales , vel mere personales , ut notat gloss. ad c. 1. V. *Canonum* ; & per omnes ibidem intelligi subditos Ecclesie . Nam nemo in non subditum jus dicere potest ; hinc sermo est de canonibus , continentibus vim legis obligantis ; non autem puri consilij , vel meræ directionis non præceptivæ . Et ideo etiam hæretici , ac omnes semel baptizati (consequenter etiam Apostatae à fide Catholica) obligantur sanctis canonibus ; non autem non baptizati , imò nec Catechumeni . Illi enim sunt subditi Ecclesie , non isti . c. *canonum* , de constitut. Layman in cit. c. n. 1. Servari autem debent leges , & canones secundum accommodationem , nimirum ab iis , respectu quorum conditi sunt ; generales , ab omnibus ;

bus; *locales*, à degentibus in tali loco, &c. quia aliter non sunt subditi legislatoris, nec is intendit obligare.

611. Not. 3. sacros canones, qui versantur circa materiam Ecclesiasticam, etiam à Laicis observandos esse (nam quoad hanc materiam aequè subsunt potestati Ecclesiastice, ac Clerici, c. novit, de Judicis) unde leges in hac materia contrariae canonibus, censeri debent abolitæ, c. i. & seq. dist. 10. Rescriptum tamen Principis in certa causa, vel erga certam personam, non habet rationem legis; Felin. in rubric. de rescript. quia sic non est præceptum commune; sed limita, nisi voluntate Principis extendatur ad omnes, ut si sit instrumentum juri communi; vel, si interpretatio alicujus juris &c. ut dicitur L. ult. C. de legib. hinc rescriptum in materia particulari inter personas, quarum interest, facit jus speciale; in aliis constituit legem generalem, c. i. dist. 19. & gloss. in c. Ex tua, V. Consultationi, de fil. presbyt. Sanch. de matr. l. 2. D. 31. Layman. l. 1. tr. 4. c. 6. q. 3. n. 13. Armilla V. Rescriptum.

612. Not. 4. si aliud lege civili, aliud sacris canonibus statutum sit, eam in foro civili, istam in foro Ecclesiastico servandam esse; sic glos. in c. 2. de arbitr. 6. V. Lex civilis; quod potissimum contingit in formandis judicis, ut dicitur loc. cit. sed intellige, modò lex civilis non foveat peccatum, juxta dicta à n. præced. nec disponat de personis, aut materia, sibi non subditis, ut constabit à n. 616. Unde in tali casu non obstat Laicorum praxis, & consuetudo. Nam ad Papam spestat, tollere irrationaliēm consuetudinem etiam à Laicis inducēam, si scilicet sit nutritiva peccati, c. 2. de Probat. Quando autem in c. Canonum, 1. h. t. dicitur: *nemo in actionibus, vel judicis Ecclesiasticis suo sensu, sed eorum (nempe canonum) autoritate ducatur*, quidam cum Fagnano censem, sensum esse, quòd Judex judicare debeat secundum notitiam, quam habet *ut Judex*, rimirum secundum allegata, & probata, licet *ut homo* notitiā privatā sciat oppositum. Sed hoc sit indefinitè acceptum, puto illicitum.

613. Ratio est, quia quando dicitur, quòd Judex quā talis, ex lege, & obligatione sua

debeat judicare secundum allegata & probata, lex habet tacitam conditionem, *nisi certo sciat, allegata esse falsa*. Nam alias illa lex non esset iusta, sed foveret peccatum. Sic Judex Ecclesiasticus privatā scientiā certò sciens Bertam non esse uxorem Titij, esto secundum allegata probetur talis, nulliter obligat, nec obligare potest Titum, ut ej conjugaliter convivat. Sed de hoc alibi. Unde rectius dici videtur, ibidem per ea Verba insinuari, quòd Judex subordinatus Canonum, vel Legum Conditoris, debeat judicare secundum leges, vel canones; non autem de legibus, vel sacris canonibus, quos constat auctoritate legitimā latos esse. sic Layman in cit. c. i. n. 13.

Quia tamen quandoque occurrit casus, ubi propter quasdam circumstantias lex secundum literam observari non posse videtur, queritur, an Judex relitto extero cortice, seu literā, judicare possit secundum mentem Legislatoris, quam in tali circumstantia prudenter præsumit? & si de mente Legislatoris constet, non curandam literam, ut dicemus infra. Idem dicendum est, ubi prudenter de mente Legislatoris præsumi potest contra literam, nam hæc illi, non econtra servire debet. Hinc, eti Judex (excepta plenitudine potestatis supremæ) poenam legalē ob crimen aliquod, regulariter, & ordinariè augere, aut minuere non possit, ut dicitur L. i. ad S. C. Turpil. (cum nihil Republicæ tam perniciosum sit, quam si Judices arbitraria faciant ea, quæ à lege certam definitionem habent, ut rectè docet Layman in c. i. de Constit. n. 14.) non desunt tamen plures casus, in quibus Judex subordinatus, ob gravem, & urgentem causam ex circumstantiis personarum delinquentium à præscripto legum recedere possit, ut notat Felinus in cit. c. i. n. 48. Et quamvis Felinus censeat, debere tunc consuli Superiorē; id tamen non procedit, ubi causa evidens est, licet Superior præsens sit, ut vult Layman cit. n. 15. Nam in tali casu ipsa jura indulgent Judici hanc epichiam, seu arbitrandi facultatem, prout sumitur ex L. i. C. de Legib. ubi Imperator ait: *inter aquitatem, jusque, interpositam interpretationem nobis solis, & oportet, & licet inspice-*

*inspicere*: securus est, ubi causa dubia est; tum enim ad Superiorem recurriri debet, si id fieri possit.

615. Quod autem quandoque occurrant ejusmodi casus, ubi secundum legis literam videatur procedi non posse, inductione constat; nam saepe lex indeterminata habet, *nisi gravia criminis indicia habeantur, non esse deveniendum ad capturam; vel torturam criminosi*; qui determinet, quae sint ea gravia indicia? Similiter non raro lex statuit, *Judici sic, vel sic procedendum esse in casu, quo aliqui metus gravis, vel atrox injuria illata est*; quin definiat, *quis metus gravis*, aut *injuria censeri atrox debeat?* cum omnes casus speciales, qui ex variatione circumstantiarum innumerabilium, mirè variantur, unâ lege universalî comprehendi non possint. Licet autem interdum in legi speciatim exponatur, quis metus v. g. censetur *gravis*? &c. hoc tamen communiter non sit aliter, quam *exempli gratia* assérendo unum, vel alterum casum, ut in multis liquet. Et ideo in ejusmodi casibus occurrentibus, fori præsertim externi *Judex*, non statim *sensu suo duci debet* (qui frequenter cæcis affectibus corrumpi potest) sed quando casus neque per legem, nec statuta, stylum Curiae, seu consuetudinem, decisionem habet, in judicando adhærere debet communi, & meliorum Doctorum opinioni. Quia cum inter litigantes arbiter constitutus sit; sequi cogitur, quod probabilius, seu veritati ac justitiæ magis consentaneum est. Nam hoc importat *obligatio muneris iudicarij*; ita Layman L. 1. Summae, tr. 2. c. 6. n. 5. Dixi: *opinioni communi, & meliori*. Nam major opinionis probabilitas non debet sumi *ex sola pluralitate authorum etiam sequentium*, sed *ex pondere, & gravitate rationum, quibus nititur*, L. 1. C. de veteri jure enucleando, ibi: *sed neque ex multitudine Authorum, quod melius est, judicato;* cuius rationem dat ipsa lex dicens: *cum possit unius forsitan, & deterioris sententia, & multos, & maiores aliquâ parte superare*. Cui consonare videtur c. Capellanus, de Fieriis, ibi: *posterior sententia meliori, & subtiliori nititur ratione*. Et ideo recte ait glossa marginal. in cit. L. 1. ponderande sunt *sententie, non numeranda*. Si autem

nec his juvari possit, tradit hanc regulam Manzius p. 5. Instit. ad Tit. 2. 2. §. 9. de jure naturali, n. 16. quod, *quoties aliquid jure non satis reperitur definitum, recuratur ad Judicis arbitrium*.

## §. VII.

An, & qualiter Ecclesiastici ligentur legibus, & statutis Laicorum?

A Nte resolut. not. 1. per exemptionem, seu immunitatem Ecclesiasticam intelligi jus, vi cuius Ecclesiastix, personæ Ecclesiasticae, ac eorum bona eximuntur, seu liberantur à præstandis oneribus, vel etiam subeundis officiis sæcularibus, & subjectione, relatè ad Laicum Superiorem. Hoc autem nomine veniunt solùm exemptiones illæ, quæ toti statuji Clericorum, vel omnibus locis, aliisque rebus Deo particulariter dicatis communes sunt. Sic Thom. Delbene c. 1. de Immunitate Ecclesiastica, dubio 1. n. 4. hæc immunitas triplex est: *Localis*, quæ Ecclesiæ, & aliis locis Ecclesiasticis; *Realis*, quæ rebus, seu bonis ad Ecclesiam, vel Clericos pertinentibus; *Personalis*, quæ ipsis personis Ecclesiasticis concessa est. Not. 2. potissimum quæstionem hic in eo versari, an Clerici, & Regulares civilibus Principum legibus, & statutis obligentur? Negativam sequuntur non tantum Theologi, sed etiam Canonistæ, fundantes se in eo, quod nemo ligari possit legibus, aut statuto alicujus, nisi subditus sit jurisdictioni, & potestati Legislatoris quoad eam matteriam, circa quam versatur lex; sed Clerici, & Regulares nulli jurisdictioni, seu potestati Legislatoris Laici subditi sunt quoad personas suas, Ecclesiæ, ac eorum & sua etiam bona: ergo nullis eorum legibus, & statutis ligari possunt. Minorem probant ex utroque jure humano, civili scilicet, & canonico.

Ex jure civili. Nam in Authentica Cisfa, de sacrosanctis Ecclesiæ, Cassa, inquit Imperator, & irrita esse denuntiari per totam Italiæ præcipimus omnia statuta, & consuetudines, contra libertatem Ecclesiæ, ejusq. personas. Ea porro statuta Laicorum contra libertatem Ecclesiasticam censentur, (ut dicimus amplius n. 635.) quibus Clerici timidiores, & mi-